

The Ritz-Carlton Aruba y e compleho di Aruba Marriott cu conferencia “Stima Bo Mes” den celebracion di Dia Internacional di Hende Muhe



Mundialmente ta celebra 8 di maart pa duna reconocimiento na hende muhe pa e lucha y logronan obteni den economia, cultura, politica, innovacion y tur aspecto. E aña aki un biaha mas The Ritz-Carlton, Aruba y e Compleho di Aruba Marriott ta uni pa celebra e ser femenino riba e dia special aki, organisando un conferencia excepcional pa brinda elogio y gratitud na e dama nan y sigui inspira nan poniendo enfasis riba stimacion propio.

Ayera a celebra dia internacional di hende muhe, y ta importante pa tuma tempo y pone luz briya ariba nos hende muhenan talentoso rond di mundo cu ta maraviyoso, exitoso y ta un inspiracion pa cada un di nos. Nos na Aruba Marriott kier sigui conscientisa ariba igualdad di hende muhe y traha hunto pa acelera igualdad di genero den e lugara di

trabou”, a comparti Ruthline M. Theysen - Complex Director di Recurso Humano na Aruba Marriott.

‘Stima bo Mes’ ta e tema cu a wordo uza pa cu e evento aki. Señora Milouska Briesen tabata e maestra di ceremonia y oradornan Nicole Godett, conoci como ‘The Empowerment Queen’ y Veronique Croes, kende ta coach den e ramo di bida spiritual, a elabora riba e tema aki. Nan a duna consehonan practico cu por wordo husa como ehercicio di amor propio tur dia. Un tema cu sigur a encurasha tur hende muhe cu a participa pa sigui practica mas y mas local cu ta amor propio, cu ta hopi importante pa logra metanan grandi y logra nan soño.

Mi ta asina orguyoso di tur nos hende muhe aki na Aruba y rond mundo cu ta traha duro tur dia pa balansa nan famia, nan trabou y

nan salud mental y fisico. No solamente riba dia 8 di maart pero tur 365 dia e ta importante pa ta consciente cu nos como hende muher tin cu sostene otro y sigui lucha pa un futuro 100% di igualdad, den trabou, den pago y den responsabilidatnan y tareanan na cas den famia,” Louella Brezovar - Hotel Manager na The Ritz-Carlton, Aruba.

Por a nota cu e participantenan a disfruta di e evento aki y a sigui encurasha otro y comparti mas di tema aki durante di un almuerzo na Casa Nonna despues di e conferencia.

The Ritz-Carlton, Aruba y e compleho di Aruba Marriott ta agradici tur damanan y e oradornan cu a participa pa haci e dia aki uno hopi special y ta sigui inspira tur hende muhe pa sigui progresa pa crea un mundo balansa den igualdad.